



UNIVERSITÄTS-
BIBLIOTHEK
PADERBORN

Universitätsbibliothek Paderborn

Regula Morum. Sive Dictamen Conscientiæ

**Babenstuber, Ludwig
Reichlin, Alphons
Hepper, Johann Baptist**

Salisburgi, 1697

§. IV. Quam sententiam sequi possint, vel debeant Judex, & Advocatus?

urn:nbn:de:hbz:466:1-39970

spiciat ejus saluti, sicut est dicitum in num. 22. Atqui hoc solùm p̄fstat applicandō probabiliora, & tutiora pharmaca, quando sunt in promptu; ergo. Quòd si occurrant plura remedia æqualiter probabilia, nec adsit aliquid probabilius, vel certum, Medicus applicare potest utrumlibet. Ratio est: quia hac ratione prudenter se gerit, omnique meliori modo, quo iunc potest, patiens saluti consulit. Tambur cit.

XXVII. Corollarium XVIII. Possunt sàpè graviter peccare, qui inserviunt, vel assistunt ægroto, quando relictis, quas Medicus p̄scripsit, medicinis, alias pro suo arbitratu exhibent quantumvis jam conclamato: vel poscenti vinum, aquam &c. p̄bent, ut ejus desiderio satis faciant. Villalobos apud Castrop. n. 10. Ratio est: quia sine necessitate, & ratione urgenti infirmum exponunt manifesto periculo mortis. Neque obstat, quòd aliunde supponatur certò brevi moriturus. Nam licet hoc ita se habeat; at non est certum, æquè citò moritum, si non bibat potum à te portectum; vel non sumat tuam medicinam quam si bibat, vel sumat, ergo intempestivâ tuâ misericordiâ saltem exponitur periculo moriendi citius.

§. IV.

Quam sententiam sequi possint, vel debeant Judex, & Advocatus?

SUMMARIUM.

28. *Quid hic judici tenendum in causis criminalibus?* 29. *Quid in cívibus?* 30. *Quid, si argumenta partium utrimque sint æqualia?* 31. *Quid si partes sese vincant alternatim?* 32. *Advocatus licet patrocinatur cause minùs probabili.*

XXVIII. Corollarium XIX. In causis criminalibus Judex amplecti potest, & debet opinionem minùs probabilem, quando hæc est in favorem rei. Ita docent etiam post Decretum Innoc.

Innoc. XI. Lumbier, Filguera apud Joan. de Cardenas *dissert. 3.*
c. 3 n. 26. Sporer *de conc. probab. c. 1. sect. 3. assert. 11. §. 3. n. 61.*
& Clarissimus P. Paulus Mezger hic *a. 10. §. 3. n. 10.* Ratio est;
quia in his causis propriè locum habet illa regula juris: quod reo
potius favendum sit, quam *Actori*, reo, inquam, qui propriè sic
dicuntur in criminalibus, ut notat Tambur. nam in civilibus ille,
qui in jus arcessitur, propriè cotiventus appellatur. Accedit,
quod secundūm juris dispositionem in his causis ad condemnandum
reum requirantur *probationes luce meridiana clariores*: sed
tales non adsunt, quamdiū defensio rei adhuc manet probabilis;
ergo. Unde, quando summa sedes damnavit hanc propositio-
nem: *probabiliter existimo, judicem posse judicare juxta opinionem etiam minus probabilem*, non est credibile, eam suum decretum
extendisse ad minorem probabilitatem faventem reo in criminibus:
quia non est credibile, eam velle, ut quis ad certam peccatum
capitis, exilio, vel alterius condemnetur ob crimen adhuc non cer-
tum, & de quo non est omnino convictus. Itaque reus *Actore*
non demonstrante (inquit Laym. ubi suprà *n. 16. ad finem*) ab-
solvi debet, non quidem pronuntiando, ipsum innocentem esse,
sed crimen de eo demonstratum non fuisse: atqui, dum ejus de-
fensio est adhuc probabilis, actor non demonstrat; ergo.

XXIX. Corollarium XX. In causis civilibus, sive quæstio
sit de facto, sive de jure, judex tenetur judicare secundūm senten-
tiā, quæ omnibus inspectis est probabilior, jurique conformior.
Th. Sanchez *1. in Dec. c. 9. n. 47.* Laym. *loc. cit.* Tambur. ubi suprà
n. 5 & 9. Illsung. *a. 7. §. 3. n. 81.* & alij. Ratio fundamentalis
desumitur ex ipso officio judicis, qui ideo ceu viva lex, & jus ani-
matum est constitutus à republica, ut inter partes litigantes pro-
curet æqualitatem, & ferat sententiam secundūm merita causa-
rum: ergo illi parti tenetur rem adjudicare, quæ habet majora

Cc 3

merita

merita suæ causæ : sed evidens est , partem , quæ in judicio pro se adducit argumenta fortiora , & probabiliora , majora habere merita suæ causæ , quam partem contrariam ; ergo secundum illam tenetur judicare , eique rem , de qua litigatur , ad dicere .

XXX. Corollarium XXI. Quando judex omnibus pensatis existimat , neutrām partem vincere , eò quod afferant pro se argumenta æqualiter utrinque probabilia , non potest rem adjudicare , cui maluerit . Laym . Tambur . Illsung . cīt . Ratio est : quia judex non potest salva æquitate inducere inæqualitatem , ubi jura partium sunt æqualia : atqui rem adjudicando alterutri litigantium induceret inæqualitatem : quia uni tribueret totum , alteri , qui haberet aquale jus , omnino nihil . Accedit , quod ferre lenientiam pro Titio v. g. est affirmare , Titium in judicio vicens . Sed quomodo hoc affirmabit judex sine palpabili mendacio , quando videt , Cajum colligantem fuisse Titio in probando æqualem ? Vel itaque debet partes inducere ad compositionem ; vel rem , de qua litigatur , inter litigante dividere ; vel , si res sit in divisibilis , eam dare uni cum obligatione , ut alteri secundum æstimationem dimidij satisfaciat .

XXXI. Corollarium XXII. Si judex non possit discernere , quænam pars habeat pro se rationes , & probationes efficaciores , eò quod modò istæ , modò illæ appareant ipsi probabiliores , ita ut litigantes se probabiliter mutuo vincant , similiter censeo cum Villalobo , Coninck , & Suarez apud Castrop . p. 10. n. 4. & alijs , rem à judice non posse adjudicari alterutri litigantium , sed esse dividendam , aut illis modis utrique satisfaciendum , quos in priori Coroll . adduximus . Ratio est : quia ideo ex ibidem dictis non potest rem uni adjudicare , quando constat probationes esse æqualiter probabiles , quod jura partium sunt æqualia : sed etiam in hoc calu nostro jura partium sunt æqualia ; ergo &c .

XXXII.

XXXII. Corollarium XXIII. Advocatus licet patrocina-
tur causæ minùs probabili relicta probabiliori. Ita communissi-
mè DD. Ratio petitur ex ipso officio Advocati: nam iste à repub-
lica in hanc fidem est constitutus, & repræsentet pro suo cliente
rationes iudicii, ex quibus, quid secundum jura & æquitatem sit
à se definiendum, cognoscat. atqui huic muneri satisfacit Advo-
catus patrocinans causæ etiam minùs probabili; ergo. Confirm.
Astor, cui assistit Advocatus, jus habet suam causam etiam minùs
probabilem in iudicio tuendi: ergo hoc idem licet facit per Ad-
vocatum: nam *hoc quis potest per alium, quod potest facere per se*
ipsum: juxta regulam juris 68. in 6, ergo Advocatus nomine cli-
entis, cuius est veluti vicarius per jura constitutus, licet tuerit
causam minùs probabilem. Neque sequitur, Advocatum hac
ratione suadere iudicii, ut ferat sententiam pro causa minùs proba-
bili, quod fieri sine peccato non potest à judice. Quia non est
intentum Advocati, judicem inducere ad judicandum pro sua par-
te, ut minùs probabili; sed solum illi proponere momenta causæ,
ut examineat, & videat, an possit pro ea justam ferre sententiam.
nam sèpè contingit, ut probationes, & argumenta, quæ Advo-
cato videntur minùs probabilia, à judice rem accuratiùs ponde-
rante censeantur esse probabiliora, & validiora.

§. V.

*An Judex reum condemnare possit ad mortem, quem priva-
tā scientiā seit esse innocentem, dum per acta, & allegata publica
probatus est nocens?*

SUMMARIUM.

- 33. Varij modi, qui iudicii suppetunt, ejusmodi reum liberandi. 34. Re-
feruntur potissimi Authores sententiæ, & affirmantis, & negantis.
35. Argumenta sententiæ negative. 36. Et affirmativa. 37. 38. Sol-
lutio reciproca argumentorum, & crisi utriusque sententiæ.

XXXIII.